

黃帝甲乙經

江左書林印

趙蘭石題



鍼灸甲乙經卷之九目錄

大寒內薄骨髓發頭痛

領項痛附

寒氣客於五藏六府發卒心痛胃痺心疝三垂

邪在肺五藏六府受病發欬逆上氣

肝受病及衛氣留積發胃脇滿痛

邪在心膽及諸藏府發悲恐太息口苦不樂及驚

脾受病發四肢不用

脾胃大腸受病發腹脹滿腸中鳴短氣

腎小腸受病發腹脹腰痛引背少腹控睪

三焦膀胱受病發少腹腫不得小便

三焦約內閉發不得大小便

足厥陰脉動喜怒不時發癲疝遺溺瘰

足太陽脉動發下部痔脫肛



南京中醫藥大學圖書館藏

鍼灸甲乙經目錄卷之十

陰受病發痺上下

陽受病發風上下

八虛受病發拘攣

熱在五藏發痿

手太陰陽明太陽少陽脉動發肩背痛肩前臑痛肩似拔

水漿不消發飲



鍼灸甲乙經卷之九

大寒內薄骨髓陽逆發頭痛第一

頰項痛附

黃帝問曰病頭痛數歲不已此何病也岐伯對曰當有所犯大寒內至骨髓骨髓者以腦為主腦逆故令頭痛齒亦痛

陽逆頭痛胃滿不得息取人迎 厥頭痛面若腫起而煩心取足陽明太陽

一作陰

厥頭

痛脉痛心悲喜泣視頭動脉反盛者乃刺之盡去血後調足厥陰 厥頭痛噫

九虛善忘

按之不得取頭面左右動脉後取足太陽

一作陰

厥頭痛員員而痛

靈樞作員

寯頭上五

行行五先取手少陰後取足少陰 頭痛項先痛腰脊為應先取天柱後取足太陽 厥

頭痛痛甚耳前後脉骨

一作熱

先寯其血後取足太陽少陰

一作陽

厥頭痛痛甚耳前

後脉涌有血寯其血後取足少陽 真頭痛痛甚腦盡痛手足寒至節死不治 頭痛不

可取於俞有所擊墜惡血在內若內傷痛痛未已可即刺之不可遠取 頭痛不可刺者

大痺為惡風日作者可令少愈不可已 頭寒痛先取手少陽陽明後取足少陽陽明

頰痛刺手陽明與頰之盛脉出血 頭項不可俛仰刺足太陽不可顧刺手太陽

陽明云手

頰痛刺足陽明曲周動脉見血立已不已按經刺人迎立已 頭痛目窗及天衝風池

主之 厥頭痛孔最主之 厥頭痛面腫起商丘主之

寒氣客於五藏六府發卒心痛胃痺心疝三虫第二

厥心痛與背相引善瘕如從後觸其心身傴僂者腎心痛也先取京骨崑崙發鍼立已不
已取然谷 厥心痛暴泄腹脹滿心痛尤甚者胃心痛也取太都太白 厥心痛如錐刺

其心心痛甚者脾心痛也取後谷太谿 厥心痛色蒼蒼如死狀終日不得太息者肝心
痛也取行間太衝 厥心痛卧若徒居心痛乃問動行痛益甚色不變者肺心痛也取魚

際太淵 真心痛手足青至節心痛甚旦發夕死夕發旦死 心下一作痛不可刺者中有

盛聚不可取干俞腸中有虫瘕有蛭蛟不可取以小鍼 心腹痛發作腫聚往來上下行

痛有休止腹中熱渴音者是蛭蛟也以手聚按而堅持之無令得移以大鍼刺之久持

之虫不動乃出鍼 心痛引腰脊欲嘔刺足少陰 心痛腹脹漉漉然大便秘不利取足太

陰 心痛引背不得息刺足少陰不已取手少陰 心痛引少腹滿上下無常處漉便難

刺足厥陰 心痛但短氣不足以息刺手太陰 心腹中卒痛而汗出石門主之 心痛

有三虫多涎不得反側上脘主之 心痛有寒難以俛仰心疝氣衝胃死不知人中脘主

之 心痛上搶心不欲食支痛引臍建里主之 胃脇背相引痛心下澹澹嘔吐多唾飲

食不下幽門主之 脾逆氣寒次急煩心善嘔噦噫胃滿激呼胃氣上逆心痛太淵主之

肝金作肺 心膨膨動肝金云少氣不足以息尺澤主之 心痛俠白主之 卒心中痛

痙癢互相引肘內廉痛心教教然間使主之 心痛噦嘔血驚恐畏人神氣不足都門主

之 心痛卒教逆尺澤主之出血則已 卒心痛汗出大敦主之出血立已 胃痺引背

時寒間使主之 胃痺心痛肩肉麻木天井主之 胃痺心痛不得息痛無常處臨泣主

之千金云不 心疝暴痛取足太陰厥陰盡刺之血絡 喉痺舌卷口乾煩心心痛臂表

痛靈樞及太素俱 不可及頭取關衝在手小指次指爪甲去端如韭葉許右云左取

邪在肺五藏六府受病發教逆上氣第三

邪在肺則病皮膚痛發寒熱上氣喘汗出教動肩背取之膺中外俞背三椎之傍以手疾

按之快然乃刺之取缺盆中以越之

黃帝問曰肺之令人欬何也岐伯對曰五藏六府皆令人欬非獨肺也皮毛者肺之合也

皮毛先受邪氣邪氣以從其合其寒飲食入胃從肺脉上至於肺氣則肺寒肺寒則內外

合邪因而客之則為肺欬五藏各以其時受病非其時各傳以與之人與天地參故五藏

各以治時感於寒則受病也微則為欬甚則為泄為痛乘秋則肺先受邪乘春則肝先受

之乘夏則心先受之乘至陰則脾先受之乘冬則腎先受之 肺欬之狀欬而喘息有音

甚則唾血 心欬之狀刻則心痛喉中喝喝素問作如梗狀甚則咽腫喉痺 肝欬之狀

欬則肱素問作痛甚不可以轉轉作兩脇素問作下滿 脾欬之狀欬則右肱素問作下痛陰

陰引肩背甚則欬涎不可以動動則欬劇 腎欬之狀欬則腰背相引而動盛則欬涎

五藏久欬乃移於六府脾欬不已則胃受之胃欬之狀欬而嘔嘔甚則長涎出 肝欬不

已則膽受之膽欬之狀欬嘔膽汁 肺欬不已則大腸受之大腸欬之狀欬而遺矢 心

欬不已則小腸受之小腸欬之狀欬而失氣氣與欬俱失 腎欬不已則膀胱受之膀胱

欬之狀欬遺尿素問作溺 久欬不已則三焦受之三焦欬之狀欬而腹滿不欲飲食此皆聚

於胃關於肺使人多涕唾而面浮腫氣逆 治藏者治其俞治府者治其合浮腫者治其

經 秋傷於濕冬生咳嗽

曰九卷言振埃刺外經而去陽病願卒聞之曰陽氣大逆上滿於胸中憤臍肩息大氣逆

上喘喝坐伏病咽噎不得息取之天容其欬上氣窮詰胃痛者取之廉泉取之天容者深

無一里疑誤取廉泉者血變乃止 欬逆上氣魄戶及氣舍主之 欬逆上氣噫嘻主之

欬逆上氣咽喉鳴喘息扶突主之 欬逆上氣唾沫天容及行間主之 欬逆上氣

咽喉癰腫呼吸短氣喘息不通水突主之一本作天突 欬逆上氣喘不能言華蓋主之 欬

逆上氣唾喘短氣不得息口不能言豐中主之 欬逆上氣喘不得息嘔吐胃滿不得飲

食俞府主之 欬逆上氣淺出多唾呼吸哮坐卧不安或中主之 胃滿欬逆喘不得嘔

吐煩滿不得飲食神藏主之 胃脇稽滿欬逆上氣呼吸多喘濁沫膿血庫房主之 咳

喘不得坐不得卧呼吸氣素咽不得胃中熱雲門主之 胃脇痞滿不得俛仰癢癰欬逆
上氣咽喉喝有聲太谿主之 欬逆不止三焦有水氣不能食維道主之 欬逆煩悶不
得卧胃中滿喘不得息背痛大淵主之 欬逆上氣舌乾脇痛心煩肩寒少氣不足以息
腹脹喘尺澤主之 欬乾嘔滿俠白主之 欬上氣喘不得息暴痺內逆肝肺相傳鼻目
出血身脹逆息不得卧天府主之 淒淒寒嗽吐血逆氣驚心痛手陰郄主之 欬而胃
滿前谷主之 欬面赤熱支滿主之 欬喉中鳴唾血大鍾主之

肝受病及衛氣留積發胃脇滿痛第四

邪在肝則病兩脇中痛寒中惡血在內肝節時腫善瘕取行間以引脇下補三里以溫胃
中取血脈以散惡血取耳間青脈以去其瘕

皇帝問曰衛氣留於脈

太素作腰

中樞積不行苑蘊不得常所

靈樞使人二字

樞脇中滿喘呼逆息

者何以去之伯高對曰其氣積於胸中者上取之積於腹中者下取之上下皆滿者傍取
之積於上者寫人迎天突喉中積於下者寫三里與氣街上下皆滿者上下皆下之與季
脇之下深一寸重者難足取之 診視其脈大而強急及絕不至者腹皮絞甚者不可刺
也 氣逆上刺膺中陷者與脇下動脈 胃滿嘔無所出口苦舌乾飲食不下膽俞主之

胃滿呼吸喝窮訕窘不得息刺入人迎入四分不幸殺人 胃滿痛璇璣主之 胃脇

積滿痛引胃中華蓋主之 胃滿積滿痺痛骨疼飲食不下嘔吐作噎逆氣上煩心紫宮主

之 胃中滿不得息脇痛骨疼喘逆上氣嘔吐煩心玉堂主之 胃脇積滿鬲塞飲食不

下嘔吐食復出中庭主之 胃中積滿痛引膈不得息悶亂煩滿不得飲食靈墟主之

胃脇積滿不得息欬逆乳癰洒淅惡寒神封主之 胃脇積滿鬲逆不通呼吸少氣喘息

不得舉臂步即主之 胃脇積滿喘滿上氣呼吸肩息不知食味氣戶主之 喉痺胃中

暴逆先取衝脉後取三里雲門皆寫之 胃脇積滿却引背痛卧不得轉側胃鄉主之

傷受悵思氣積中脘主之 胃滿馬刀臂不得舉淵腋主之 大氣不得息息即胃脇中

痛實則其身盡寒虛則百節盡縱大包主之 胃中暴滿不得眠得喘一云不輒筋主之 胃

脇積滿瘕癥引臍腹痛短氣煩滿巨闕主之 腹中積氣結痛梁門主之 傷食脇下滿

不能轉展反側目青而嘔期門主之 胸脇積滿勞宮主之 多卧善唾胃滿腸鳴三間

主之 胃滿不得息頭領腫陽谷主之 胃脇脹腸鳴切痛滿腹云胃脇支切痛太白主之 暴

脹胸脇積滿足寒大便難面唇白時嘔血太衝主之 胃脇積滿惡聞人聲與木音巨墟

上廉主之 胃脇積滿寒如風吹狀俠谿主之 胃滿善太息胃中膨脹千金作上墟

主之 胃脇積滿頭痛項內寒外仁主之 脇下積滿嘔吐逆陽陵泉主之

邪在心膽及諸藏府發悲恐太息口苦不樂及驚第五

黃帝問曰有口苦取陽陵泉口苦者病名為何何以得之岐伯對曰病名曰膽痺夫膽者

中精之府

素問無此句

肝者中之將也取決於膽咽為之使此人者數謀慮不決膽氣上溢

下而有口為之苦治之以膽募俞在陰陽十二官相使中

善怒而欲食言益少刺足太陰

怒而多言刺足少陰

太素作

短氣心痺悲怒逆氣怒

狂易魚際主之

心痛善悲厥逆懸心如饑之狀心譫譫而驚大陵及間使主之

心澹

澹而善驚恐心悲內關主之

金作

善驚悲不樂厥脰足下熱面盡熱渴行間主之

脾虛令人病寒不樂好太息商丘主之

色蒼蒼然太息如將死狀振寒漉白便難中封

主之心如懸哀而亂善恐噤內腫心惕惕恐如人將捕之多涎出喘少氣吸吸不足以

息然谷主之

驚善悲不樂如墮墜汗不出面塵黑病飲不欲食照海主之

膽眩寒厥

手臂痛善驚忘言面赤泣出腋門主之

大驚乳痛梁丘主之

邪在心則病心痛善悲時眩仆視有餘不足而調其俞

膽病者善太息口苦嘔宿水

悸宿心下澹澹善恐如人將捕之噤中吟然數欬唾候在足少陽之本末亦視其脉之

陷下者灸之其寒熱者取陽陵泉邪在膽逆在胃膽液泄則口苦胃氣逆則嘔苦汁故

曰嘔膽取三里以下胃逆則刺足少陽血絡以閉膽逆調其虛實以去其邪

脾受病發四肢不用第六

黃帝問曰脾病而四肢不用何也岐伯對曰四肢者皆稟氣於胃而不得至經必因脾乃得稟令脾病不能為胃行其津液四肢不得稟水穀氣日以衰脉道不通筋骨肌肉皆無氣以生故不用焉 曰脾不主時何也曰脾者土也土者中央常以四時長四藏各十八日寄治不獨主時脾者土藏常著胃上之精也土者生萬物而法天地故上下至頭足木得主時 曰脾與胃以募相連耳而能為之行津液何也曰足太陰者三陰也其脉貫胃屬脾絡嗌故太陰為之行氣於三陰陽明者表也五藏六府之海也亦為之行氣於三陽藏府各因其經而受氣於陽明故為胃行津液四肢不得稟水穀氣氣日以衰陰道不利筋骨肌肉皆無氣以生故不用焉 身重骨痠不相知太白血之

脾胃大腸受病發腹脹滿腸中鳴短氣第七

邪在脾胃則病肌肉痛陽氣有餘陰氣不足則熱中善饑陽氣不足陰氣有餘則寒中腸鳴腹痛陰陽俱有餘若俱不足則有寒有熱皆調其三里 飲食不下噉塞不通邪在胃脘在上脘則抑而下之在下脘則散而去之 胃病者腹脹胃脘當心而痛上檣兩脇噉咽不通食飲不下取三里 腹中雷一本作常鳴氣常衝胃喘不能久立邪在大腸也胃盲之原巨虛上廉三里 腹中不便取三里盛則瀉之虛則補之 大腸病者腸中切痛而

鳴濯濯冬日重感於寒當臍而痛不能久立與胃同寒取巨虛上廉 腹滿大便不利土

大上走胸噎^噎喘^喘二^二字^字喝喝然取足少陽 腹滿食不化嚮嚮然不得取足太陽 腹痛

刺臍左右動脈已刺按之立已不已刺氣街按之立已 腹暴痛滿按之不下取太陽經

絡血者則已又刺少陰^{少陰}陽^陽去脊椎三寸傍五用員利鍼刺已如食頃久立已必視其

經之過於陽者數刺之 腹滿不能食刺脊中 腹中氣脹引脊痛食飲而身羸瘦名曰

食飢先取脾俞後取季脇 大腸轉氣按之如覆杯熱引胃痛脾氣寒四肢不嗜食脾俞

主之 胃中寒脹食多身體羸瘦腹中滿而鳴腹脹風厥胃脇痞滿嘔吐脊急痛筋攣食

不下胃俞主之 頭痛食不下腸鳴臌脹欲嘔時泄三焦俞主之 腹滿臌脹大便泄意

舍主之 臌脹水腫食飲不下多寒^{多寒}胃倉主之 寒中傷飽食飲不化五藏腹滿

脹心腹胃脇痞滿脹則生百病上脘主之 腹脹不通寒中傷飽食飲不化中脘主之

食飲不化入腹還出下脘主之 腸中常鳴時上衝心灸臍中 心滿氣逆陰都主之

大腸寒中^中作^作瘕^瘕大便乾腹中切痛盲俞主之 腹中盡痛外陵主之 腸鳴相逐不可傾

倒承滿主之 腹脹善滿積氣關門主之 食飲不下腹中雷鳴大腸不節小便赤黃陽

綱主之 腹脹腸鳴氣上衝胃不能久立腹中痛濯濯冬日重感於寒則泄當臍而痛腸

胃間遊氣切痛食不化不嗜食身腫^{一本}作^作重使臍急天樞主之 腹中有大熱不安腹有大

氣如相使暴腹脹滿癰淫樂氣衝主之 腹滿痛不得息正卧屈一膝伸一股並刺氣衝
鍼上入三寸氣至臑之 寒氣腹滿癰淫樂身熱腹中積聚疼痛衝門主之 腹中腸鳴
盈盈然食不化脇痛不得卧煩熱中不嗜食胃脇痞滿喘息而衝鬲嘔心痛及傷飽身黃
疾骨羸瘦章門主之 腸鳴而痛溫留主之 腸腹時寒腰痛不得卧手三里主之 腹
中有寒氣隱白主之 腹滿嚮響然不便心下有寒痛商丘主之 腹中熱若寒腹善鳴
強欠時內痛心悲氣逆腹滿漏谷主之已刺外踝上氣不止腹脹而氣快然引肘脇下皆
主之 腹中氣脹噎噎不嗜食脇下滿陰陵泉主之 喘少氣不足以息腹滿大便難時
上走胃中鳴脹滿口舌中吸吸善驚咽中痛不可內食善怒恐不樂大鍾主之 噎乾腹
瘕痛坐卧目眈眈善怒多言復留主之 寒腹脹滿厲兌主之 腹大不嗜食衝陽主之
厥氣上衝太谿主之 大腹有熱腸鳴腹滿俠臍痛食不化喘不能久立巨虛上廉主
之 腸中寒脹滿善噫聞食臭胃氣不足腸鳴腹痛泄食不化心下脹三里主之 腹滿
胃中有熱不嗜食懸鍾主之 大腸實則腰背痛痺寒轉筋頭眩痛虛則鼻衄癰疾腰痛
澀澀然汗出令人欲食而走承筋主之取腳下三折橫視盛者出血

腎小腸受病發腹脹腰痛引背少腹控臑第八

邪在腎則病骨痛陰痺陰痺者按之而不得腹脹腰痛大便難肩背頸項強痛時眩取之

湧泉崑崙視有血者盡取之 少腹控羣引腰脊上衝心肺邪在小腸也小腸者連羣系屬於脊貫肝肺絡心系氣盛則厥逆上衝腸胃煉肝肺散於胸結於臍故取盲原以散之刺太陰以予之取厥陰以下之取巨虛下廉以去之按其所過之經以調之 小腸病者少腹痛腰脊控羣而痛時窘之後耳前熱若寒甚若獨肩上熱甚及手小指次指間熱若脉陷者此其候也

黃帝問曰有病厥者診右脉沉堅左手浮遲不知病生安在岐伯對曰冬診之右脉固當沉堅此應四時左脉浮遲此逆四時左當主病診左在腎頗在肺當腰痛 曰何以言之曰少陰脉貫腎絡肺令得肺脉腎為之病故為腰痛

足太陽脉令人腰痛引項脊尻背如腫狀刺其郄中太陽正經去血春無見血

少陽令人腰痛如以鍼刺其皮中循循然不可俛仰不可以左右顧刺少陽盛骨之端出血盛骨在膝外廉之骨獨起者夏無見血

陽明令人腰痛不可以顧顧如有見者善悲刺陽明於脢前三痛上下和之出血秋無見血

足少陰令人腰痛痛引脊內廉刺足少陰於內踝上二痛春無見血若出血太多虛不可復

厥陰之脉令人腰痛腰中如張弓弩絃刺厥陰之脉在腓踵魚腹之外循循累累然乃刺之其病令人善言默默然不慧刺之三病

解脉令人腰痛痛引肩目眈眈然時遺洩刺解脉在膝筋分肉間在却外廉之橫木出血血變而止

同陰之脉令人腰痛腰如小錘居其中怫然腫刺同陰之脉在外踝上絕骨之端為二病解脉令人腰痛如裂素問作引帶常如折腰之狀善怒刺解脉在却中結絡如黍米刺之血射以黑見赤血乃已全元起云有兩解脉病原各異疑誤未詳

陽維之脉令人腰痛痛上怫然腫刺陽維之脉脉與太陽合端下間去地一尺所

衡絡之脉令人腰痛得俛不得仰仰則恐仆得之舉重傷腰衡絡絕傷惡血歸之刺之在却陽之筋間上却數寸衡居為二病出血

會陰之脉令人腰痛痛上澀然汗出汗乾令人欲飲飲已欲走刺直陽之脉上三病在蹻上却下三所橫居視其盛者出血素問澀然作濡然三所作五寸

飛揚之脉令人腰痛痛上怫然甚則悲以恐刺飛揚之脉在內踝上二寸素問作少陰之五寸

前與陰維之會昌陽之脉令人腰痛痛引膺目眈眈然甚則反折舌卷不能言刺內筋為

二病在內踝上大筋後上踝一寸素問大筋作太陰

散脉令人腰痛而熱熱甚而煩腰下如有橫木居其中甚則遺洩刺散脉在膝前骨内分間絡外廉束脉為三痛

肉里之脉令人腰痛不可以欬欬則筋攣刺肉里之脉為二痛在太陽之外少陽絕骨之端

腰痛俠脊而痛至頭几几然目眈眈欲僵仆刺足太陽郄中出血腰痛引少腹控眇不

可以仰刺尻交者兩踝腫上以月死生為痛數發鍼立已素問云左取右取腰痛上寒取足

太陽陽明痛上熱取足厥陰不可以俛仰取足少陽中熱而喘取足少陰郄中血絡腰痛

上寒實則脊急強長強主之小腹痛控睪引腰脊疝痛上衝心腰脊強溺黃赤口乾小

腸俞主之腰痛強引背少腹俛仰難不得仰息脚痠重尻不舉溺赤腰以下至足清

不仁不可以坐起膀胱俞主之腰痛不可以俛仰中膂内俞主之腰足痛而清善偃

蹻跳蹻上竅主之腰痛怏怏不可以俛仰腰以下至足不仁入脊腰背寒次竅主之先

取缺盆後取尾骶與八竅腰痛大便難飡泄腰尻中寒中竅主之腰痛脊急脇中滿

小腹堅急志室主之腰痛脊惡風少腹滿堅癰閉下重不得小便胞盲主之腰痛骶

寒俛仰急難陰痛下重不得小便秩邊主之腰痛控睪少腹及股卒俛不得仰刺氣街

腰痛不得轉側章門主之腰痛不可以久立俛仰京門及行間主之腰痛少腹痛

下竅主之 腎腰痛不可俛仰陰陵泉主之 腰痛少腹滿小便不利如癰狀羸瘦意恐

懼氣不足腹中怏怏大衝主之 腰痛少腹痛陰包主之 腰痛大便難湧泉主之 腰

脊相引如解實則閉癰淒淒腰脊痛宛轉目循循嗜卧口中熱虛則腰痛寒厥煩心悶大

鍾主之 腰痛引脊內廉復溜主之脊無見血若太多虛不可復是前足少陰痛也 腰

痛不能舉足少坐若下車躓地脛中矯矯然中脉主之 腰痛如小錘居其中怫然腫痛

不可以欬欬則筋縮急諸節痛上下無常寒熱陽輔主之 腰痛不可舉足跟中踝後痛

脚痿僕參主之 腰痛俠脊至頭几几然目眈眈委中主之 是前刺足太陽 腰痛得俛

不得仰仰則恐仆得之舉重惡血歸之殷門主之 是前衝絡之 腰痛得仰

大痛虛則血動實則并熱痛痔痛尻腫中腫大便直出扶承主之

三焦膀胱受病發少腹腫不得小便第九

少腹腫痛不得小便邪在三焦約取之足太陽大絡視其結絡脉與厥陰小結絡而血者

腫上及胃脘取三里

三焦病者腹脹氣滿少腹尤甚堅不得小便窘急溢則為水留則為脹候在足太陽之外

大絡絡在太陽少陽之間亦見於脉取委中

膀胱病在少腹偏腫而痛以手按之則欲小便而不得眉 作一本上熱若脉陷及足小指外